



Aan de raoden van de gemientes Börger-Oring en Midden Drenthe

in ofschrift an de Colleges van B&W en an de börgemeester humzölf

Bunen, Exel, Börk, De Smilde, 21 maart 2016

Geachte raad,

In de de nacht van 21 op 22 maart hef **Drents op Stee** vanneis in een koppel steden in Drenthe de Hollaandstaolige plaatsnaamborden veraanderd in Drèentstaolige. Naodat in 2015 Slien, De Wiek, Grol (weer), Oring en Langel en in 2014 Grol, Örveld en Dwingel verbeterd bent, waren nou De Smilde, Börk, Exel en Bunen an de beurte. Waorumme? De anonieme groep **Drents op Stee** is groot veurstaander van 't gebruik van 't Drèents, ok in de openbare ruimte. Zuks is in Friesland en Zuud-Limburg niet vrömd en heurt ok in Drenthe. In elk geval as tweede name:

Buinen	Exloo	Westerbork	Smilde
Bunen	Exel	Börk	De Smilde

Zoaj ziet bent daor dörpen in oen gemientes bij. In de tied dat der praot wordt over het behold van de identiteit van Drenthe bij de omroep en de rol van streektaol daarin kuj as raad, देंkt we, non niet achterblieven.

Laot zien daj oen arfgoed en cultuurgoed serieus neemt en vraog oen college om in overleg te gaon met verienings van Dörpsbelangen en Historische Verienings om de dörpen in heur gemiente heur iegen name terugge te geven. Veur een paor centen geef ie de streektaol het stee dat die toeheurt! Butendes geef ie, deur bijveurbield de Drèentse name as onderbord te gebruiken, niet allent de streektaol het stee dat die toekomp, maor maak ie ok an bezukers van buten nog meer as nou dudelijk dat ze in een hiel biezunder stukkje van oes laand bent!

Lichtkaans vraog ie oe of waarom wij anoniem bent. Niet omdat wij oes schaomt veur oes wark –juust niet!- maor omdaw de taol de andacht gunt en niet oeszölf! En ie huuft dus niet vort te kroepen achter het argument daj gien antwoord geeft op anoniem geschrief. Wees maor stoer en vin der wat van!

We heurt geern! We holdt de webstee van oen gemiente wel in de gaten veur het antwoord!

Drents op stee.

**An het College van Bōrgemeester en Wetholders van de gemiente
Midden-Drenthe**